


Hashihthü shing laihing Hunyeih

Hangkulei Mongmang Chongpangpü



Nyangbü: Edward Hughes
Lajei lingbü: Byron Unger; Lazarus

Lepbü: Master Clement Bujem
Sheteiphenei lingbü: M. Maillot; Tammy S.

Büshah 60 kübü 2

www.M1914.org

Bible for Children, PO Box 3, Winnipeg, MB R3C 2G1 Canada
Nüngi neyuphei keyü hapa lai lingei nevaijü ngümei ngaihen aok.

Phom

KAHVANGI LEMPHÜLI
LINGTEKE! Mechem
Kahvangi shongpü shennyak
Adam lingpa, büpa chenyüha Ev
mü Eden pemongei
mongongshi nyu.



1

Kahvang jiji mü nyupü kü
mongongei Kahvangei ven
danei nyih hük ...



2




Biü peiyei Ev kü, "Pü peü kübü meheyao nehahhen Kahvangi anji kü ephopü je?" shei pheteke.

3



"Pü hük mü lenei pü peü kübü hah-aokhen ephopeih. Hami hapa pü kübü hahjü nevaijü laki hongjü dihen shei ephopeih" shei e. "Nüing nedipih" shei biüi jangei eteke.

4




"Nüing Kahvang leshi leihen." Ev-i hapa pü kübü bejükhahhüei deih. Biüi epü bangei pinyüi hapa bejükhahheteke.

5




Ev-i Kahvangei shah nebangi hahphei kü pinyüi Adamao hapa pü bejükhahheteke. Adami, "Anyoh! Ngei Kahvangei shah nebangi nenyupih" shei ehen vaipeih.

6



Mechem Adam hi Ev nyi mang thahpa, jijipheni bümkong nyüke shei nying. Phenlak bhagei büm kü küptü Kahvang kü joei phenha mongei uoshi nyu.


7




Wohongpü om hepak kü Kahvang pemongei pei. Adam hi Ev nyi-i mehe dük ha büpai nyingdaitü nyu. Adami Ev nyonghü. Ev-i biü nyonghü. Kahvangi, "Biü kü thaüväü hettuh. Nyühai näi anghshing kü hanghihen" shei eteke.

8

"Adam, nūngi mang thahpū nangkü kahdokao hūhhihang vamhūei thaüvaütüknyeih. Nūngi hahying danghen shingvaishi lem-ow yenei dükjü mon hahhen danghen."



9




Kahvangi Adam hatü Ev nyi thamapü pemong leipü changtük. Jiji mang thahpū nangkü yangnyu shuohpü Kahvang toueipü yandai.

10



Jiji deitükhen shingvaishi Kahvangi nyeleppü yanlu hük ling.

11



Kahvangi jiji kü phaishuw yah-ei bhagthuh thingteke. Kahvangi meleipü phaishuw yahpa?

12

Hepak jüüpü kü Kahvangi Adam hi Ev nyi shemmong hük leiteke. Jijilei hashongpa Kainü kahling am nyu. Jijilei näu-eepa Abelü mi yombü nyuteke. Nyih hük Kaini Kahvang kü thintho shuohhen hahying maani koei pei.



13

Abeli Kahvang kü büpalei thintho Kahvang kü peü mü meipü mi koei pei. Kahvangi Abeli shuohpü thintho kü mongong.



14

Kahvangi Kaini shuohpü thintho kü mongneong. Kain longi mongshih. Shejao Kahvangi, "Nüngi jiüpu düklangmeyü nüngei thintho-ao neyahhen je?" shei eteke.



15

Kain mongshihpü nedohdai. Hepak maani angphei kü kahlei Kaini Abel kü üpteke hatü büpa jütük.



16

Kahvangi Kain kü, "Anaü Abel melei nyüpa?" shei phe. "Ngei nenyng" shei Kaini shahshem eteke. "Ngeiyü ngelei näupeü yombü je?" Kahvangi büpa kü kah linghen neshuoh-i shing nenüngi nyaiteihen laphen shuoh-ei hanghihüteke.



17

Kain Kahvang toueipü lü dai. Büpai Adam hi Ev nyilei yükhä mü shem yemteke. Jiji nyi-i shemmong lingei nyu. Lomi Kainei hüpeü hatü hühshomthüi büpai lingpü chingnyü mateke.



18

Hahepak kü Adam hi Ev nyilei hapeüthü lomi dateke. Hathü nyih keyü shennyakthü shaangpü meyü den luangi nyuteke.




19

Mechem pinyüi cheha Seth bühpa, Ev-i, "Kahvangi ngei kü Abel nangjei Seth yahphopeih" shei e. Seth-ü Kahvang nyingpü shennyak vangbong 912 thahshi nyu hatü hapeüthü lingpü bühteke.



20

Denshem hük kübü hük shei
daishing kü hangkuthü nyeinya
nyeinya nemeipüba leiteke.
Shomshi Kahvangi hangkuthü
mahtükhen shingvaishi
temteke.



21

... Yemhimak hatü outhü ling ...
Kahvangi shennyak lingpü nangkü
mongmangei deih. Shennyak
hük homei Kahvang
mongmeihüteke.



22

Hapa shennyakü Noah
nyuteke. Noahlei hapeü
Seth-ü eela neshüü
daülangi nyuteke.
Büpa Kahvang
mü kam.



23

Büpai hapeüthü jom jem kü
Kahvangei ven banghen nyuteke.
Shaang Kahvangi Noah-ü hayaoha
noteihen shingvaishi
küpjan
temteke.



24

Hangkulei Mongmang Chongpangpü
Kahvangei Shah Laihing leipü büshah
Dangnyeih
Kahbhao 3-6

"Nüngai Shah shühahpai vangngai shuohnyeih."
Menvih Kesho 119:130

Jeni dao nemeipü dükteke shei Kahvangi
nyingei nyüke. Mang shing hanghiyü dipü nyüke.

Kahvangi jen kü longi bampü nangkü büpai laophülei
Ha Jisu shophang kü diyai nüngei hang shemhen
shompeih. Jisu yangei leiyai vangsholei aongdai.
Shaang Kahvangi jenei mang tükphahen.

Nüngi nüngei mang kübü mong lepei leihüjema, Kahvang
kü ha etuh: Bambü Kahvang, Jisu ngei shing dypeih
shei ngei nying hatü shaang yangei leiteke. Ngelei
mongei shükei hatü ngelei mang tükshih, shejüang
shaang ngei yangnyu ja danghen hatü nüngmü den kü
nyuhen. Nüngai ha leshi nüng shing nyuhen ngei kü
sheühshihma. Amen. Johan 3:16

Laihing ietuh, nyihjeih Kahvang mü eteituh.